



ЛЕНИНЭНЬ КИЯВА

1941 ие
МАРТОНЬ
30-це чи
36 (1332) №

ЛИСИ: 11-це нө,
12 № ковс

ВЛКСМ-нь Мордовской обкомонть ды Саранск ошонь комитетэнь газетаст

Комсомолецэс должен улемс отличникекс-физкультурникекс

Массовой комсомольской лыжной кроссонтэ успешнойста ютавомась, ко-на обеспечил зяря миллионт допри-звыниктнень ды запасонь боецтнень лыжной подготовканы, невтизе, кодамо покш роль может налксемс комсомолецт-нень активной участияст Якстере Ар-миянь резерватнень боевой анокстамос-онтэ.

Но эряви тешкстамс, што, бульчом, комсомольской кой-кона организациятне отнеслись лыжной комсомольской крос-сонтень прок временной мероприятиянь ютавомас. Те неяви сень эйстэ, што ламо районга, косо еще кадовсь пек паро лов, комсомолецтнэ, кроссонтэ ютавомадомейле, кадызь лыжной под-готовканы.

Мон лован истямо отношениянть овси а видеке. Боецтнэ-лыжникентэ анокс-тамось а придовкшны ансяк соксес-якамо сонзэ тонавантэ эйсе. Соксес-боевой действиятнень туртов эряви сокстнэс парсте владеть ютамонь кис сехте стака таркатнэс, маштомс сноровисто ютамо коть кодамо препят-ствиянть, чийнемс, ютемс пеке киске лангес, эсь прясь анокстамс леднеме, лазномс штыксэ ды ёртнемс граната эрва кодамо положениасо, сокстнэнь шильгстэть атак кайсе, парсте содамс сокстнэнь мельга уходоны ды походе соксонь инвентарентэ анокстамонь пра-вилактнень. Монь койсэ, комсомольской организациятнень, конат пак валря-сто ушодонь лыжной эсь подготов-каны, а эряви оймакшномс ютавтозь соревнованиятнень лангс, но, зарс ули лов, атак лотксе овладевать весе на-выктнэс, конат эрявить боецтнень-лыжникентэ.

Мон приветствую комсомолецтнэнь од ушодкост сынт физической подго-товканы коряс. Гимнастикась ашти бо-евой физической навиктнэс ды бое-цтнэ строевой подготовканы весе эле-ментнэс куруксто ды парсте овладе-ниянтень лездомонь сехте вадра средст-вакс. Самай секс пек питней, штобу эрва комсомолецэс овладевал гимнас-тикасонтэ ды сонзэ эйсе бу занимался эрва чистэ. А эряви оймакшномс ан-сяк массовой гимнастической соревно-ваниянтень лангс. Эряви использовать неть соревнованиятнень прок покш ды серьезной роботань ушодконтэ, истя, штобу ней тешкстэз простейшей спор-тивно-гимнастической упражненианть эйстэ последовательно ютемс военно-прикладной гимнастикань комплекснэнь

овладениянтень ды спортивно-гимнасти-ческой мастерстванть овладениянтень.

Ушодксонь кис боецтнэ физической подготовканы основной разделтнэс ком-сомолецтнэнь ёндо овладениянтень мас-совой соревнованианть организова-монть можна ловомс видеке.

Но уш ней эряви теес ды пачтымс эрва комсомолецтнэнь сонзэ военно-физкультурной подготовканы план ды обязательной курс, штобу сон содаволь, мезесь мейстэ ушодовкшны, мезесь мей-сэ продолжается, кода должны сочетать-ся подготовканы веенст видтнэ омбонст-нэнь марто, лиякс меремс содавлнзе бу эсензэ задачатнень ды норматив-нень цела нес.

Ансяк тень пингстэ можна допрок путомс пе роботань практикасонтэ кам-панейщинантень. Эряви эрва комсомо-лецтнэнь чарькодемс эсь обязанностен-зэ заниматься военно-физкультурной подготовкано иень перть комплексэ сонзэ весе видтнэс, но аволь разделе-но ве ковсто вейке видеке, а омбоце ковсто переключиться лия виде, васен-цэнтэ коряс занятиявтомо.

Комсомолецтнэнь военно-физкультур-ной подготовканы очередной задачатне-де кортазь, мон должен предупредить, што сынест эряви уш тедиде овладеть подготовканы еще кавто важнейшей раз-делсэ—рукопашной боень подготовканы комплекснэнь ды уезь переправасонтэ.

Нейке уш эряви ушодомс организа-ционной анокстамонь неть задачатнень топавантнэнь: эсь средстватнэс учеб-но-тренировочной фехтовальной оружи-янь чучелань, учебной препятиань приобретениясь ды анокстамось, водной базань анокстамось, инструктор-онь общественникенъ анокстамось ды лият.

Лыжной кроссонтэ успешна ютавто-мань опытанть коряс минь кемдяно, што комсомолецтнэ изнысызь организа-ционной весе стакатнень эсест военно-физкультурной подготовканы перест-ройканзо пингстэ ды тейсызь сонзэ эр-вачинь ды комплекснойке, Якстере Ар-миянь боецтнэ физической подготов-каныть требованианть коряс.

Эряви обеспечить, штобу комсомоль-ской эрва организациясь уш те нес-тэнтэ добоваволь права ответственно рапортовамс эсь организациянь эрва членэнтэ отличной строевой ды физи-ческой подготовкандонть.

Советской Союзонь Маршалось
С. БУДЕННЫЙ.

СССР-нь Резиновой Промышленностенть Народной Комиссариатонть образованиядо

СССР-нь Верховной Советань Прези-диумонть Указонзо коряс образова-ной Резиновой Промышленностень обще-союзной Народной Комиссариат, сонзэ составс каучуконь, резинань, шинань

ды азбестань производстванть коряс предприятиянть включениянтэ марто.

Резиновой Промышленностень На-родной Комиссарокс аравтозь Т. Б. Мит-рохин ялгась. (ТАСС).

42

Сталинской работа

Дубенской районнь Антоновка ве-лень колхозниктне покш радость марто вастызь СССР-нь СНК-нть ды ВКП(б)-нь ЦБ-нть постановлениаст «Мордовской АССР-ганть велень хозяйствань культу-ратнень урожайностентэ ды животно-водствань продуктивностинть кепедемаст кис колхозниктнень трудост дополни-тельной пандомандонть».

Весе колхозниктне кучить покш бла-годарность минек партиянтень ды лич-на Сталин ялгантень колхозниктнень кувалт сынт отеческой заботаст кисэ.

— Те постановлениась,—корты Паль-тин ялгась,—сюпалгавтсынзе минек артельной хозяйстванть, максы покш возможность еще седеяк пек кепедемс урожайностентэ. Мон тердян весе кол-хозниктнень икелелевгак роботамо честнойста, добросовестнойста.

Молотов лемсэ колхозонь колхозникт-не макссть вал вастомс тунда видеманть парсте анокстаз ды добовамс покш урожай.

И. Липатов.

Дубенской р-н.



Апрелень 1-це чистэ Краснослободс-кой МТС сз зяряя колхозной од ломать прядить трактористэнь курст.

СНИМКАСОНТЬ: Икелепелень трак-тористкатне Шура Гладкова, Вера Позднякова ды Лена Сорокина.

Фотось Ю. Володинэнь.



Саранской котонинной фабриканы стахановкась-кемсомолкась Е. И. Жуко-ва производственной заданиянзо топа-вти 150 проценте.

СНИМКАСОНТЬ: Жукова ялгась ро-ботасо.

Фотось Б. Козловонь.

ВИДЕ КРИТИКА

(Дубенской районнь комсомольской активень собраниясто)

Неть читнестэ ульнесь Дубенской районнь комсомольской активень соб-рания.

Всесоюзной партийной XVIII-це кон-ференциянтэ итогтнеде доклад тейсь ВКП(б)-нь райкомонь секретаресь Чина-ев ялгась.

Докладчикесь конкретной фактсоне-вти комсомольской организациянтень ро-ботаст, сынт отношенияст трудонь производительностентэ кепедеманть. Дубенской МТС-нь комсомолецтнэ бе-рянстэ бороцить горячеень экономия-нть кис, производствасо ваньксинть кис.

Свиносовхозонь комсомолецтнэнь эй-стэ пек аламот роботить производствасо. Тосо малав весе комсомолецтнэ те-весь белоручкакс, аштекинть канце-ляриясо. Ды тосоак а невтиь робо-тань образец, а бороцить порядоконть ды ваньксинть кис.

«Якстере пиче», Калинин лемсэ ды лия колхозонь комсомольской организа-циятне а лездыть эсь колхозтнэненъ

тунда видемантень анокстамосонтэ. Док-ладчикесь кеместэ ды видестэ критико-визе ВЛКСМ-нь райкомонть ды сонзэ секретарентэ Фадейкин ялганть руко-водствань канцелярской методтнэнь кис. Райкомось эсь роботанзо еще эзсе ладя ВЛКСМ-нь ЦБ-нь XI-це пленумонть ре-шениянзо коряс. Активной роботас атак тарга комсомольской основной массась. Райкомсо постоянной комиссиятне месь-как а тейнить. Комсомольской зяряя организациява (Ломат, Неклюдово) ме-ельсь 3—4 ковтнень перть арасть сек-ретартэ.

Чинаев ялганть докладонзо коряс ульнесь оживленной преният.

Комсомольской активень собраниясь эсь решениясонзо терди районнь ве-се комсомольской организациянтень ВКП(б)-нь XVIII-це конференциянтэ ре-шениянтень топавантэ кис актив-нойстэ бороцамо.

П. Рускин.

Дубенской р-н.

Колхозось анок лисемс видеме

Сайне велень «Красный пахарь» колхозось бороци сень кис, штобу те-диде эрва гектарсонтэ саемс зерно-вой культурань урожай 100 пондо.

Паксяв ливтезь 500 тонна навоз, пурназь 20 пентнер кулов. Зяряя гек-тар лангсо ютавтозь ловонь кирдема.

Велень хозяйствань весе инвентаресь, машинатне ды сбруесь ремонтировазь. Инвентарень ды машинатнень ремон-тонть коряс сехте вадрасто роботась кузнецэс И. А. Ярославкин ялгась.

Весе культуратнень коряс видметне сортовазь паро качества марто. Орга-

низовазь постоянной звенат. Звень-воекс аравтозь сехте вадра колхозникть ды колхозникат. Весе рабочей алашат-не кемекстэз сокиятнэненъ ды види-пятнэненъ. Алашатнень упитанностест вадра. Сех паро конюхтне—И. С. Ов-чинников ды К. Ф. Ярославкин ялгат-не.

Тунда видемантень сех парсте анокс-тась комсомолецтнэ Ф. Г. Радаев ял-ганть бригадазо.

Колхозось анок лисемс видеме.

К. Асташкин.

Дубенской р-н.

Комсомолецтнэ тунда видемантень анокстамосонтэ

Косогор велень «Большевик» колхо-зонь комсомолецтнэ активно участвуют тунда видемантень анокстамосонтэ.

Сын пурнасть 50 пентнер местной удобрения, паксяв ливтезь 105 улав навоз, 45 гектар лангсо ютавтеть ло-вонь кирдема. Роботаст видметнень сортировамонть коряс.

Комсомольской организациясь колхо-зонь руководстванть покш леске макссь сень коряс, штобу эсь шкасто ды паро качества марто улелель юта-вонь тунда видемантень весе анокста-мость.

Г. Суняйкин.

Б.-Березниковской р-н.

ВАНЬКСЧИНТЬ ПИНГСТЭ ЭРЬВА ШКАСТО МОЛИ РОБОТАСЬ ВАДРЯСТО!

ВАСЕНЬ РЕЗУЛЬТАТ

3-це № стройконтарась 1940 иенть прядовома малав лиссь Саранск ошонь передовой предприятиянь юткс. Ютась иень результатэ улевельть бу пек седе парт, бути мастерскойтне-сэ, строительной участкатнесэ улевельть теезь вадря порядок, пек пек улевельть ютавтозь теве внутренней ресурснэ, улевельть бу бороцям госу-дарственной средствань расточитель-ванть каршо. Каменщиктне, штукатури-тань, столартнэнь роботамо тар-каст ульнесть захламлинь, строи-тельной материалтне сеетсь эрскш-несть ёртнэз кува понгсь, инструмен-тнэ ды санитарной техникань коряс частне аштитль лов ало, чемениякш-нелть. Рудазось, беспорядокось ал-кинйгавтыльть трудовой дисципли-нанть, отрицательно влияли трудонь производительностень лангс.

Бути 3-це № стройконтарань комсо-мольской организациясь, конаньсэ ло-вовить ВЛКСМ-нь 24 член, седе пек интересовался предприятиянь экономи-касонть, по-боевому лездаволь партий-ной организациянть ды администра-циянть бороцямс роботань ровной ритманть кис,—тевесь улевельть бу пек седе вадря.

Комсомольской организациянть дея-тельностьсэнь покш толчок тейсть Всесоюзной партийной XVIII-це конфе-ренциянть решениянть, конатнесэ ке-местэ аравтозь государственной сред-стватнэнь экономиянть, производствасо ваньксчинь ды порядоконь те-мань зада-чатнэ. Ды эрви меремс, што комсо-мольской организациясь видестэ чарь-кодизе эсенэ роленэ Всесоюзной пар-тийной XVIII-це конференциянть реше-ниянэ топавтомань тевсэнь. Комсомо-лецнэ кармасть кеместэ бороцямс про-изводствасо захламлинь каршо, трудонь покш производительностень ды культуранть кис, государственной имуществанть бережливой отноше-ниянть кис. Ды те макссь уш матери-альной покш результат.

ВАДРЯ СОВЕТТ, ПИТНЕЙ ПРЕДЛОЖЕНИЯ

— Покш леске миненек, строитель-ствань руководителенень, макснить комсомолецнэ,—эвти стройуправле-ниянь начальни-кесь Четвергов ялгась.—Сын вадрясто роботыть сынсь, лия-ненень передают эсь опытэс, нев-нить вадря инициатива.

Комсомолецнэ васенцекс кепедеть вопрос строительствань дешёвалгавто-мадо ды ускорениянть. Комсомолецнэ инициативаст поддержал стройуправле-ниянь начальни-кесь Четвергов ялгась. Сон сёрмадсь приказ строительствань себестоимостень алиньгавтомань ко-ряс постоянной комиссиянть те-мадо. Комиссиянть прятокс аравтозь главной инженерэс Королев ялгась. Сонэ эйс истяжо совавтозь комсомольской ор-ганизациянть секретарес Петровичев ял-гась, производствань стахановецнэ-передовиктне.

Комиссиясь пурнась зярэя питней рационализаторской предложений, ко-нат лездыть седе курок те-ме роботат-нень ды киртамь строительствасонть расходтнэнь. Истя, примерке, комсомо-лецэс Бабушкин ялгась предложил те-ме растворонь макснемс ковш. Те ко-вшонть тевс нолдамось лезды киртамь робочей виенть, ко-на а сатни кавто участка, истяжо лезды путоме пе-строительной питней материалонть ёмвнэманьтень. Те шкас строявикс зданиянъ 2-це ды 3-це этажтнэнь кирпичтнэнь ды лия материалтнэнь кан-тнэсть носилкасо, фундамента-нэнь тур-тов траншеятнэстэ тарксезь моданть ускыльть тачкасо. Теке жо шка-не складсо аштитль транспортерт, ко-натнэнь стувтокшнызь специализи-р. Ком-сомолецнэ предложили механизирован-сэ модань роботатнэнь, транспортертнэсэ карма-с кепсеме кирпичть.

НАРОДНОЙ УЛИПАРОНТЕНЬ ХОЗЯЙСКОЙ ОТНОШЕНИЯ

Партийной XVIII-це конференциясь аравтсь промышленной предприятиянъ ды чугунокань ки лангонь транспор-тонь руководителенень икелев задача, штобу сын видестэ ды точно ветя-вольть оборудованианть, имуществанть ды материалтнэнь учёт.

Строительной материалтнэнь учёт-тонть марто тевесэ аволь пек парсте-аштесэ 3-це № стройконтарасонть. Ком-сомолецнэ лангс ливтизь, што ансяк январь коновть перть штукатури-тнэ перерасходовали 7,5 тоннат алеба-стра. Ге секс, што зярэя килограммасо сон-зэ правитильть мода лангс, аволь эко-номно ютавтыльть. Мейле лиссь истя, што штукатури-тнэ эзть работа кавто-чить алебастрань аразычнить кувалт.

Мекс лиссь алебастрань перерасхо-дось? Секс, што беранель учётось. Видестэ мерезь, алебастранть нолд-титль атак лова, ко-да понгсь ды зя-ро понгсь.

МАСТЕРСКОЙСЭНТЬ КАРМАСЬ УЛЕМЕ ВАНЬКС

Производствасо ваньксчинь ды поря-доконь те-мадонть кортазь, Маленков ялгась Всесоюзной партийной XVIII-це конференциясонть докладсонэ мерс:

«Рудазось—заводсонть расхлябаннос-тень, дисциплинань расшатанностень, разболтанностень, порядкань аразы-чить неизбежной спутникды источник...

Нельзя седе тов кирдемс корс минек заводтнэс, шахтатнэс, депотнэс, вок-залтнэс, портнэс захламлинь каршо ды рудазонть. Шка путоме пе минек предприятиянэс бескультурьянть. Народной улипаронтень нерадивой, бесхозяйственной отношениянть тейни пек покш зьян государстванть».

Маленков ялганть неть валтнэ пек-пек относились 3-це № стройконтаран-теньгак. Рудаз, захламлинь, госу-дарственной добранть нерадивой от-ношения тосо можна ульнесть вастомс эрва эськельксэнь те-мэсэ.

Комсомолецнэ кармасть улеме про-изводствасонть ваньксчинь ды поря-доконть кис бороцямонть инициаторкс. Сын проверизь подъездной китань, гаражонть, механической мастерско-нэнь состояниаст.

Механической мастерскойсэнь комсо-молецнэ вастсь истямо тев марто: токарной станоктнэнь, механизматнэнь а урядакшныльть, инструментнэ 5—6-чить аштекшныльть рудазовсто. Киякс-сэ ёртнэз эрсылть тряпкат, кшни петь, кшнинь стружкатнэ човорязельть хла-монть марто.

Комсомолецнэ кой-кинъ вездилгав-тизь неряшливостень кис, кунцолызь мастерско-нэнь главной механикенть докладонэ ды сынсь лездасть вань-

Чарькодеви, што истямо положени-анть марто не могли мирямс комсомо-лецнэ. Сын аволь ансяк лангс тар-гизь алебастрань перерасходонть, но лездасть стройкань руководителенень аравтомс паро учёт ды контроль стро-ительной материалтнэнь ютавтоманть мельга.

Алебастранть ней а чамтитль замусо-ренной уголс, сонэ чамтитль специ-альной ларс ды нолдтитль нормань коряс штукатури-тнэ личной ответст-венностс. Ней строительствань терри-ториянть лангсто а неят валнозё-ём-внэз алеба-стра. Штукатури-тнэ кармасть квадратной эрва метрантень, качест-ванть атак алкалгавто, ютавнэме 10,6 килограммтнэнь таркас 9,5 кило-граммт. Эсктнэнь ды строительной лия материалтнэнь кармасть мастерти-нэнь нолдтнэме истяжо нормань коряс. Учётось лезды ванстомс алебастранть, эс-ктнэнь ды лия материалтнэнь.

Кечинь ды порядконь те-мэсэнь. Мас-терско-нэнь весе коллективесэ вейсэ ком-сомолецнэнь марто кармасть бороцямс рудазонть ды захламлинь каршо. Ней мастерскойсэнь кармасть улеме ванькс. Робочейтне старательно ухажи-вают эсь станоктнэнь мельга, мусть специальной тарка металлической от-ходонть, кшнинь стружкатнэнь туртов. Ды те весе теезь пышной резолюция-в-томо ды кузак протоколтомо.

Аволь седе вадрыльть тевтне гараж-сонтьгак. Кияксос, вейсэ рудазов тряп-катнэнь марто, кайсылть солидол. Шо-фертнэ рудазов ды мусоров солидоло-ваднитль механизматнэнь. Весе тень кувалт автомашинатне лотксылть ро-ботамодо.

Гаражсонть роботась комсомолецэс Корбаев ялгась. Комсомольской ор-ганизациясь вешсь пельденэ, штобу сон со-нсь васняк теевель порядок робота-мо таркасонэ ды эсь примерэнэ ко-ряс те-ме кармавтовлнэз гаражонь лия робочейтнэньгак. Корбаев ялгась топавтызе комсомольской организаци-анть заданиянэ.

Или вана еще вейке пример. Водоп-роводной трубатнэнь туртов фасонной частне куват аштекшность чугунокань ки лангонь Саранск ошонь ту-пикенть вакссо. Леткенть эйстэ сын чемени-акшныльть. Од заводсто получа-зь де-тальтне ремонттомо а маштовилть тевс нолдамс. Таго лисниль госу-дарственной лишной средствань ютавнэма.

Комсомолецнэ позаботились сенъ кис, штобу те-ме фасонной частнэнь алов апавкс, вельтамс сынст, штобу ванстомс ко-леманть эйстэ.

РОБОТАСЬ МОЛИ ПАРСТЕ

Комсомольской организациясь эрва-чистэ кармасть нолдтнэме листовка «Комсомольский глаз». Сонэ эйс сёр-малить нурькине, содержательной за-меткат комсомолецнэ, аволь союзной од ломатне, строительствань сыре ро-бочейтне.

Листокось тейни эрва чинь робо-танть итог, невти производствань пе-редовиктнэнь, критикови бераньстэ роботычтнэнь. Эрва номерэнь ли-стокось робочейтнэнь лепти произ-водственной пландонть ды невти, ко-да моли сонэ топавтомас. Листоксонть сёрмадозь седе, што «март ковстонть омбоце участкатнэнь эрви те-ме робо-тат 272 тыща целково-нэ питнэ». Те-ке жо шка-не тешкетсь, што васенце декадань планось атак топавто. Тень причина-с ашти Фроловонь ды Запну-диловонь бригадатнэнь берань робо-таст. Неть бригадатне сменань задани-анть топавтитль 40—50 проценте.

Листоконть заметкатне действен-нойть, сын понгонить цельс, кар-мавтыть парсте роботамодо. Теде корты-се, што март коновть омбоце декада-сонть планось велькска топавтозь.

Партийной XVIII-це конференция-донть мейле комсомолецнэ пек седе кепедизь трудонь производительно-стень. Корбаев, Киякин, Никулин, Ба-бушкин ялганть эрва чинь заданиянть кармасть топавтнэме 140—150 про-центе.

Сехте вадрясто роботы од ломанень бригадась, конаньсэ руководит комму-нистэс Засыпалов ялгась. Ды сенсэ, што строительствань комсомолецнэ ды сех ламо робочейтне кепедизь трудонь производительно-стень,—отразился про-изводствасонть ваньксчинь ды поря-доконть кис походось, ко-на ушодозь комсомолецнэнь инициативаст коряс. Трудонь производительно-стесэ касы чи-де чис. Вана зярэя примерт: мартонъ 18-це чистэнь Засыпаловонь бригадасэ саекшнэс ветеце тарка. Те чистэнь сменань заданиянть сон топавтызе 121 проценте. Чинь ютазь Засыпалов ял-ганть бригадасо саизе уш васенце тар-канть, чинь заданиянть сон топавтызе 128 проценте. Эрва чистэ производст-венной заданиянть велькска топав-титль Орешкин, Киржманов, Мочалов ялганть бригадас.

ПОКШ ТЕВЕНЬ УШОДКС

Весе те — Всесоюзной партийной XVIII-це конференциянть решениянень топавтоманть коряс покш роботань ва-сенэ эськелькст, ушодкс.

Партийной XVIII-це конференция-сонть эсь докладсонэ Маленков ялгась тешкетсь, што «предприятиянэсэ хо-зяйственной, партийной, профсоюзной ды комсомольской организациянень кой-кона руководителне бераньстэ еще ветить работа трудовой дисципли-нанть кемекстамонэ коряс».

Те пек-пек относится 3-це № строй-контарань комсомольской организаци-антьгак. Тесэ комсомолецнэнь юткс-со улить еще лодырь, неряхат, тру-довой дисциплинанть колси-ят. Нови-ков комсомолецэс а топавтни выработ-кань норматнэнь, а кирди ваньксчи ро-ботамонь эсь таркасонть.

3-це № стройконтарань комсомолец-нэ должны еще седейк пек лездамс пар-тийной организациянть ды админист-рациянть ВКП(б)-нь XVIII-це конфе-ренциянть решениянень топавтомас коряс, производствасонть допрок пу-томс пе расточительстванть, добовамс сенъ, штобу трудонь культу-рась, тру-донь производительно-стень кепедемас кармавольть улеме эрва робочейтнэнь жизненной необходимостекс.

П. Ильин.



П. Д. Засыпалов каменщикенть бригадасо (Саранской 3-це № строй-контара) велькска топавтни производственной заданиянэ.

СНИМАСОНТЬ: Засыпалов ялганть бригадасо перерывсэ. Керш ёно (сёрмады) десятникс М. С. Авдонин. Вить ёно васенцес (ашти озадо) брига-дирэс И. Д. Засыпалов.

Фотось Б. Козловонь.

Литературная страница

Сеедем казнекс тонеть анок

Дай, прощамсто чевте кедь эзнеть,
Седе пштитэ монь селмезэнь ванок,
Хоть эзинь мон алтакшно казнеть,
Но монь пельде казнесь тонеть анок.

Зярдо поездсе ардын Кавказе,
Чавсь сеедем ды кириявнесть санон.
Мон бажинь прок пси шкане брагас—
Эрва тикшенть штюпаме ульнинь анок.

Теке моряс полонявозь кал
Или лев—ломантеем чей алга—
Мон якинь пандо юкова свал;
Тон монь марто якилить прок ялга.

Кодак чокшнесь вельтильзе чадранть,
Ливтни чеерть нолаштинильте
вельсканок,
Тон подылик вельксэзэнь эсь прятнь
Ды штюпилить коням, паламс анок.

Туить кортнемат псить ды видеть,
То Кавказдо, то... Карминек ванок
Минь кортамо, што вейке седейс
Минекетне валовомо анокт.

Паро мельс: мон чачинь эрэнь вирьс,
Тон—цецине Кавказонь чинть алдо,
Но эйсэнек пек нардеветь кирдсь
Покш вечкема, мелень апак сядо...

Дай, прощамсто чевте кедь эзнеть,
Седе пштитэ монь селмезэнь ванок,
Хоть эзинь мон алтакшно казнеть,
Но сеедем тонеть казнекс анок.

П. Кономанин.

ВИКШНИЦА

Тон—викшницат,
Цитнить салмукс прят
Сэнь менелень тештекс тонь кедьсэ.
Браскат кочкат эстет пек вадрят,
Тон рисоват мазый сурсэ.

Викшницат монень парсейсэ панар,
Мишарасо сивенть ютасак.
Сонзэ оршазь
Монь рунгова свал
Эсеть кедень лембенть поддасак.

Тон викшницат,
И зяро паро
Минек туртов теэмс тетя сави!
Минек туртов тонь кедтень ало
Мазый розань пусмот цветявить!

А. Мартынов.



Саранск ошонь 6-це № средней школысонт вадрясто роботы литературной кружокось, конань эйсэ руководит литературань коряс преподавательс Е. В. Холопова ялгась.

СНИМКАСОНТЬ: Литкружковецтнэ занятиясо. Фотось Б. Козловонь.

Байкал

Кода маней вене сэн эрси менелесь,
Истя чинь куншкане Байкалонь ванькс
ведесь.

Ванат—а неяви те эркенть келезэ,
Волнатнеяк аздыть, косо сонзэ пезэ.
Сравтнекшни Байкалось эсензэ

Прок ардомсто айгор шержев покш
волнанзо,
гиванзо;
Панцекшни сынст эйсэ, а кадны
оймамо,

Панцекшни веенстнэнь омбонстнэнь
сасамо.

Ды уить волнатне, теке пельть
менельга,—
Пурксезь, кежиявтозь вейкест-вейкест
мельга.

Васоло беректнес эшксевить виевстэ,
Теке мерят бажить менеме сынст эжкстэ.

Неть шкатнестэ эркесэ лажны пестэ
келес,
Кода вирь вармане пиземде икеле.
Ды зярдо истяня ордали Байкалось,
Сестэ учок—туи покш пиземе валозь.

Эм. Пятай.

МИНЕК МАНЯ

Виде килей, ашо килей
Манюшань сарезэ.
Мазый умарень кондымо
Сонзэ чаминезэ.

Тюжа котат, парсей цюклат
Тейтеренть пилгсэзэ.
Од седеет кеняргавты
Эсь мазычсэзэ.

Машты Манюша кортамо
Мазый валсо, кельсэ.

Кунды тевс сон—а кенерят
Сонзэ мельга тевсэ.

Сырнень кедь сон, а сядовикс,
Маня тейтеренек.
Аволь стяко сонзэ шнакшныть
Минек велесэнек.

С. Шведков.

Семилень средней школа, Кочкуровской р-н.

Сёрма тейтернень

Бути мелеть—сёрмадт седе ламо,
Иляк ризнэвть оянь сееденть:
Кода таго тундось кармась само,
Пиже виресь вельтасы леевть;

Кода пургонды пондакш лёмзёрксонть
Тарадонзо радывать манейс,—
Истя тон, родной чачома ёнксонть
Лецтязь кеняркс совавтат монь эйс.

Эзик стувт, паряк, коданя вейсэ
Зярдо бути яксилинек паркс,
Экшелинек рузонь ине лейсэвть
Эрва чи а лововияк зяркеть.

Кода Рав чпресэ чизэ эждясэ
Пси струянзо валсь минек лангс сон,
Кода тон раксилить апак кежда
Вейке вечки цёрыне лангс.

Бути ледни мелезать лиясто,
Сёрмадт тензэ нейке зяряк.
Сон казнекс армейской ютко шкасто
Боецэнь портрет кучи оякс.

Сон бажась лисеме веселасто
Кода маны эрсесь, повнясак!
Но пластивкась редизе а шкасто
Ды тензэ потмурасто стяк.

Тон портретэнтень иляка кеме—
Вант перьканзо кодамо куракш.
Бурась ловсо почодсь сонзэ шлеметь
Ды шинелензэ вельтизе лякш.

Кадык весть неевлик тон коть онстот
Тесэнь чокшненть, те васолдонь
венть,

А мадниця чилисема ёнксонть
Ды армейской кемсэ цёрыненъ.

П. Батаев.

НИМИЛЯВТ

Нимилявнэвть да мазыйнеть
Пиже луганть келес
Чевте, шожда толгакс лыйнеть,
Зяро цветт икелест!

Вант вадневить вейкенъ эйсэ,
Валгить уш лиятас.
Чоп экшелить коштонь лейсэвть,
Цитнить викшнэзэ фатакс.

Е. Кулясовский.

Бути тон поэтат...

Минек социалистической трудовой эрямосонть ули правила: вечкемс эсь профессият. Ды те аволь ансяк правила, но те закон, секс што ансяк вечкевикс трудось может улемс творческойкс. Кодамо бу те аволь тее, сонзэ эряви вадрясто содамс, вечкемс, пачтамс совершенствас.

Литературной трудось целанек ашти те истинанть сутеке. Эряви ли ламо кортамс теде? Эряви, секс, што минь, эрэнь поэтна ды писательтне, сеетсэ стувтнитяно эсь трудонь те азбукадонть. Мекс лиясто-эрс истя: поэтэс сермадсь кавто стихть: вейкес пек вадря, омбоцесь пек берянь? Ды еще седеяк пек дивас пракшнат, зярдо неят, што истямо колебаниясь эрс аволь вете-кемень нестэ, зярдо могут улемс творческой серьезной лиякстомат,—арась, те «пек парось» ды «пек берянесэ» эрс лиясто мик вейке чистэ! Мекс истя?

Эрэнь поэтна творчествосост те эрс ансяк секс, што минек роботасо а сатнить профессиональной навык. Поэтэс, мердяно, тейсь интересной наблюдения, тейсь виде вывод, лиякс меремс чачсь мысля, идея; сонзэ эряви ёвтамс стихсэ. Кода ёвтамс?—вана тесэ ушодовияк творческой процессэс.

Кочкат валт, появить эрва кодат рифмат, маряви ритмань шум, ды карми теть неявомо, што стихсэ карми улемс вана кодашка, но а седе покш ды а седе вишкине. Ды весе те «порохось» эйсэ кирвази сразу. Поэтэс вдохновлен. Весе виесь—роботанть. Моли пек стака творческой процесс. Прятень сыть валт, валт... Конась седе вадря? Конанть эряви кочкамс? Стихсэ казы, кувалгады... Косо пезэ? Появась вадря рифма. Но, паряк, истямо уш ули кодамо-бути поэтэнь? Эряви содамс. Кочкить вадря сравнения. Но, паряк, сон ули уш лия поэтэнь? Эряви содамс.

Эряви ли теэмс сень, мезе уш теезь (рифма, сравнения, образ, сюжет) тондеть икеле? Или сень, мезе тон тонсь уш весть тейть (примеркс, весть уш рифмовить «панар—гонорар»?—Бути уш тон поэтат, то иля тее. Стихсэнь весе улезэ эсеть.

Профессиональной навык а сатнить эрэнь ламот поэтна, мик истят талантливойтнень, кода Э. Пятай ды А. Мартынов. Сеетсэ появакшныть стихсэ, конатнень формаст апак мие. Ды те истя эрс самай сеть стихтнесэ, конат сёрмадозь капшазь. Сехте пекистямо капшамоса «среди» Э. Пятай. 1940 иень «Сятконь» сисемце номерсэ сон

печатасть стихотворения «Вирь». Лецтасынек целанек:

Вере, пандо прясо
Вирь—наян од тейтерь.
Варштит лангзонзо—
Сон теть пейдэз пейди.
Сэнь менелень ёжос
Венствась покш сэрсьсэзэ,
Эсь куншкас тонь терди
Весе мазысэзэ.
Тосо килей цюцэвт
Поводесть пилексэкс.
Пекшень канцёротне
Керьксавсть вишка эрьгекс:
Нурьгить пиже салмукс
Сэрей пиче прясо.
Ямса пешть утакснить
Пешкс чувтонь тарадсо...
Тосо тикше—люкшат,
Чевте, тантей инзейть.
Виресь мазылгавтни
Минек тундонть, кизэнтъ.
Течи тува якить
Од тейтерть, од цэрят.
Марян—маней чидентъ
Гайсэ морыть морот.
Те моронтень валозь
Весе сынст эрямось—
Келей мастор лангсонть
Навсэ валдось, парось.

Икелевгак, стихсэнь апокс содержания. Но кортамось зярс аволь теде. Стихсэ кувакс. Мекс? Вана мекс.

Стихсэнь лемезэ «Вирь». Сразу содано, што кортамось моли вирьде. Эряви седе тов лецтнемс «вирь» валонть? А мейсэ. Стихсэ ушодови валсо: «Вере пандо прясо вирь». Эрявить ли вана неть строчкатне (седе тов)—

«Сэнь менелень ёжос венствась (виресь.—С. В.) покш сэрсьсэзэ». А эрявить. Поэтэнтень эрявсь ёвтамс ниле валт: пандо прясо сэрэй вирь. Но сон тень ёвтызе кемень валсо.

Сень, мезьде ёвтазь «Вирьсэнь» вирьде, ловныцясь, нама, содасы (тикше—люкшат, пиже салмукс, инзейть ды лият!) Мезе эрявсь ёвтамс поэтэнтень? Педе пес сон тень эссе арсе. Паряк сонензэ эрявсь ёвтамс эсь ёжонть виренть прелестенть коряс? Улезан Э. Пятаень таркасо, мон те ёжонть ёвтавли бу истямо стихсэ:

Вирь

Сэнь менелень ёжос
Венствась покш сэрсьсэзэ,
Эсь куншкас тонь терди
Весе мазысэзэ.

Течи тува якить
Од тейтерть, од цэрят,
Марян—маней чидентъ
Гайсэ морыть морот.

Те моронтень валозь
Весе сынст эрямось—
Келей мастор лангсонть
Навсэ валдось, парось.

Стихсэ улевель прыдозь, улевель бу эсь формасо.

С. Вечканов.

(Пезэ сы № сз).

АНОКСТАТАНО ГИМНАСТИЧЕСКОЙ СОРЕВНОВАНИЯТНЕНЕНЬ



Саранской педучилищань тонавти-
чатне вадрасто анокстыть гимнасти-
ческой соревнованиатненень.
СНИМКАСОНТЬ: Канатка кузнемань
урок.

Фотось А. Кочинень.

Дубенкасо оймсить

Еще Якстере Армиянь XXIII-це го-
довщианть лемсэ комсомольской лыж-
ной кроссонть ютавтомсто Дубенской
райононь комсомольской кой-кона ак-
тивистнэ кортисть:

— Кодак ютавтомс кроссонть, мей-
ле уш оймситяно.

«Оймсемань» неть настроениатненень
кувалт Дубенской районось кроссонь
итогтненъ коряс саизе ансяк 26-це
тарканть.

Районной комсомольской организа-
циясь малав мезеяк эзъ тее сень ко-
ряс, штобу кроссонть ютавтомсто мей-
ле седе парсте аравтомс комсомолецт-
нэнь ды од ломатненъ военно-физкуль-
турной подготавканть.

А кодамо положениась гимнастиче-
ской соревнованиатненень анокстамонть
коряс? Комсомольской зярья организа-
циява мик а содытькак, кодат неть со-
реванованиатне. А манявдано, бути мер-
дано, што районсонть кияк гимнасти-
касо не занимается.

Физкультурань ды спортонь тевтненъ
коряс уполномоченносъ Щанкин ял-
гась видьстэ мерсь: «Кия а аноксты.
Натой райкомоськак тень коряс кашт
моли. А комсомольской первичной ор-
ганизациатнесэ кортисть, што арасть,
келя, директиват».

Гимнастической соревнованиатненень
ушодовома шкантень кадовсь ловозь
чить, но Дубенкасо яла оймсить.

Р. Павкин.

АНОКСТЫ ЗНАЧКИСТТ

Редкодубской медпунктонъ медицин-
ской сестрасъ комсомолкась Масленни-
кова ялгась допризывниктненъ ды то-
навтичатненъ ютксто аноксты «Готов
к санитарной обороне» значкистт.

1941 иестэнь Масленникова ялгась
анокстась I-це ступенень ГСО-нь 46
значкист Редкодубья ды Б.Поляна
велетненъ допризывниктненъ ютксто.
Тонавтичатненъ ютксто анокстась
БГСО-нь 27 значкист.

Ив. Антонов.

Ардатовской р-н.

Занятиятнесэ руководят опытной гимнаст

Саранск ошонь малав 40 первичной
комсомольской организациат энергично
анокстыть гимнастической соревнова-
ниатненень. Эрэва чистэ ютавтичть трени-
ровочной занятия, конатнесэ руково-
дят опытной гимнаст.

Малав весе комсомольской организа-
циатнева прядовсь командатненъ-десят-
катненъ формированиась. Командатне
ней тренируются зарядкань кавксо уп-
ражениатненъ коряс ды соревновани-
янь лия видтненъ коряс (троеборье, рав-
новесие, кузнема, кирнявтема).

Соревнованиатненень анокстамось сех
парсте моли пединститутонъ, наркомсо-
бесень, I-це, II-це, 44-це номер шко-
латненъ, милициянь ды МАССР-нь
НКВД-нь комсомольской организациат-
несэ.

Гимнастической соревнованиатненень
анокстамонть коряс покш работа моли
«Спартак» добровольной спортивной об-
ществасонть (председателесь Купер ял-
гась). Тосо тренировочной занятиятненъ
ютавтичть спортивной залсо.

«Спартак» спортивной обществанъ
гимнастической залсонть регулярна эр-

сить первичной комсомольской органи-
зацианъ секретартненъ гимнастической
занятия, конатненъ вети физкульту-
ранъ коряс педучилищанъ преподава-
телесь Мысин ялгась.

ВЛКСМ-нь горкомсо организовазь
гимнастической соревнованиатненень
анокстамонъ коряс консултация. Кон-
султациянь ютавтичть гимнастиканъ
коряс квалифцированной роботникть.

Комсомольской организациатненъ за-
дачаст ашти сеньсэ, што соревновани-
ятненъ ушодовомс кадовозь шканть
перть анокстамс сатышка ды эрявикс
спортивной инвентарь. Бороцямс сень
кис, штобу гимнастикась соваволь эр-
ва комсомолецтень ды комсомолканть
бытсэ, организовам сень, штобу комсо-
молецтнэ ды аволь союзной од ломатне
кармавольть массовойстэ максомо гим-
настиканъ коряс ГТО-нь комплекснэ
норматненъ.

Фролов,

ВЛКСМ-нь Саранской горкомсо обо-
ронно-физкультурной роботанъ коряс
комиссиянь председателъ.

Од ломатне яксить спортивной залов

Б.-Березниковской районсо 41 комсо-
мольской организациява эрэва чистэ
эрсить гимнастической соревнованиат-
ненень анокстамонъ коряс тренировоч-
ной упражнениат. Занятиятненъ ютав-
тичть опытной физкультурникть.

Гимнастической соревнованиатненень
анокстамось сехте вадрасто моли Б.-Бе-
резниковской, Паракинской средней
школатнесэ ды районной газетанъ ком-
сомольской организациасонть. Трениро-
вочной упражнениатне Березниксэ эр-
сить спортивной залсо. Тосо улить
брусят, кольцят, турникть ды спор-
тивной лия инвентарь. Спортивной за-
лонть эрэва чистэ яксить 70—75 ком-
сомолец ды од ломань.

Но эряви меремс, што районсонть
улить истяткак комсомольской органи-

зациат, конат пек беряньстэ анокстыть
гимнастической соревнованиатненень, а
ютавтичть тренировочной занятия. Ис-
тямокс аштитъ: Косогоронъ неполной
средней школанъ организациась (секре-
таресь Кеняйкин ялгась) ды Госбан-
конъ организациась (секретаресь Арши-
нов ялгась). Неть организациатнесэ
комсомольской собранияськак арасель
толковазь гимнастической соревнова-
ниатнеде вопросос.

Райононть келес кустнэва ней ютав-
тевитъ комсомольской организацианъ
секретартненъ семинарт, косо толковать
гимнастической соревнованиатненень
анокстамодо вопросонть. Семинартненъ
ютавтомсто кучозь районной актив.

Н. Бекшаев.

Б.-Березниковской р-н.

Военно-физкультурной роботасонть од
успехтненъ кис

ВЛКСМ-нь обкомонъ II-це пленум-
донть мейле минъ ютавтичть районной
центранъ комсомолецтнэнь собрания,
косо теезельть лыжной комсомольской
кроссонть итогт ды тешкстазельть во-
енно-физкультурной роботанъ конкрет-
ной мероприятия.

Райононть келес роботыть I-це сту-
пенень ВС-нь 22 группа, II-це ступе-
ненъ ВС-нь 2 группат ды юной воро-
шиловской стрелоконъ 5 группат. Весе
неть группатнесэ тонавтичть 420 ло-
мань. Организовазь оборонной миниму-
монъ коряс 10 группат, конатнесэ во-
енной тевенть тонавтичть 142 допри-
зывник.

«Красный восток» колхозсонть ды
Ново-Виселской школасонть анокстась
уш I-це ступенень ворошиловской стре-
локонъ 71 значкист.

ВЛКСМ-нь обкомонъ II-це пленум-
донть икеле районсонть Осоавиахимень
членке комсомолецтнэнь ютксо уль-
нестэ ансяк 302 ломань, ней кармасть
улеме 684 ломань. Пленумдонть мейле
организовазь ПВХО-нь 8 кружокт, ко-
натнесэ яксить 144 ломань. Седе вадра-
сто кармасть роботамо РОКК-нь орга-
низациатнеяк.

Обкомонъ пленумдонть мейле анок-
стась ГСО-нь I-це профилень 178 знач-
кист ды ГСО-нь II-це профилень 137
значкист. Организовазь санитарной 4
дружинат ды ГСО-нь 14 кружок.

Минек районной комсомольской ор-
ганизациясь покш работа вети Якстере
Армиянтень паро пополнениянь анок-

стамонть коряс. Течинъ чис район-
сонть весе допризывниктненъ эйстэ
анокстась: 23 процент ворошиловской
стрелокт, 56 процент ГСО-нь знач-
кист, 58 процент ПВХО-нь значкист,
49 процент ГТО-нь значкист (теленъ
норматненъ коряс). Весе неграмотной
ды малограмотной допризывниктне то-
навтичть сэрмадомо ды ловномо.

Но эряви меремс, што комсомолецт-
нэнь ды од ломатненъ военно-физ-
культурной подготавканть коряс рай-
онсонть улить еще ламо асатыкст. Ком-
сомольской зярья организациат малав
кодамока работа а ветить военно-физ-
культурной подготавканть коряс. Ис-
тят, примеркс, «Ленинонь кига» ко-
лохонъ комсомольской организациась
(секретаресь Рыбин ялгась) ды «Якстерь
тяште» колхозонъ комсомольской ор-
ганизациась (секретаресь Багдашкин
ялгась).

Ней райононъ комсомольской органи-
зациась аноксты массовой гимнасти-
ческой соревнованиатненень. Зярья
организациява (З.Полянской средней
школанъ, педучилищанъ, Дубительской
средней школанъ) улить уш группат
ды сынъ регулярно ютавтичть заня-
ят. Комсомолецтнэ бороцить сень кис,
штобу гимнастической соревнованиат-
несэ лисемс республикасонть васенце
таркас.

С. Кандратьев,

ВЛКСМ-нь Zubovo-Полянской РК-нь
секретарь.

Европасо ды Африкасо
войнась

(Военной дейстиятненъ дневник)

Англо-германской фронтсонть актив-
ной военной дейстият арасельть. Мар-
тонь 27-це чистэ германской разведы-
вательной самолетнэ бомбардировизь
Южной Англиянь зярья оштнесэ объ-
ектнэнь. Мольтсэ военной операцийт
морясэ. Англиянь юго-западной побе-
режьянь вакссо германской бомбарди-
ровщиктне атаковизь английской суд-
нанъ караванонть, ваявтеть колмо ды
пек виевтэ колась ниле парсходт.

Мартонь 28-це чинть каршо вестэнь,
Рейтер агентстванть сведениязо коряс,
Английской авиациянь самолетнэ тейсть
налет германиянь Рурской ды Рейн-
ской областнесэ кой-кона объектнэнь
лангс.

Мартонь 27-це чистэ Албаниясо
фронтнэсэ мольтсэ артиллерийской лед-
нема. Покш активность проявлял фрон-
тонъ весе участкатнесэ авиациясь.

Английской войскактненъ кедеь Кере-
нэнь (Эритрея) саемадонзо подро-
бностнеде пачтызь, Рейтер агентствась
невти, што те укрепленной ошонъ
районсонть ульнестэ пурназь 60—70
тыща ломань—итальянской виитненъ
колмоце пельксэст, конат аштитъ Вос-
точной Африкасонть. Эритреясо англи-
чантнэнь стратегической положениаст
Керенэнь саемадо мейле пек вад-
рылгадсь. Керенэсь, тешкстин Рейтер
агентствась, ульнестэ вейкине серьезной
барьеркс Эритреянь столицанть—
Асмаранть кинть лангс. Итальян-
ской войскактне, конат аштитъ Асмара-
со ды Массауосо (Красной морянь по-
бережьясонть пор), не могут тееме
англичантнэненъ виев сопротивления.

Кода уш пачтызель, Абиссиниясо
английской войскактне саизь Хараронть,
кона ашти масторсонть покшломанзо
коряс омбоце ошокс. Хараронть саема-
зо аравтнесэ угроза алов Джибути—
Аддис-Абеба чугунканъ кияванть Крас-
ной морянь марто итальянецтнэнь со-
общенияст. Те кинть саеманзо случай-
стэнь итальянской войскактне, конат
аштитъ Абиссиниясо, улить керязекс.
(ТАСС).

Сириясо напряженной
положениясь

Рейтер агентствась пачти, што све-
дениятненъ коряс, конат сыть Сирия-
сто, тосо таго одс ушодовсь всеобщей
забастовка. Дамасксо, Хомсо, Хамсо,
Алеппосо ды лия оштнесэ пекстась ве-
се учреждениатне. Луткась транспор-
тонъ движениясь. Дамасков ды Алеппов
кучозь войскакт.

«Национальной блоконь» лидертнэ,
конат руководят движениясонть, тре-
буют Сириянь автономия ды тердем
национальной собрания.

(ТАСС).

ЯВОЛЯВКСТ

Те иень апрелень 2-це чистэ чокш-
не 7-це чассто Республиканской библи-
отеканъ залсо карми улеме лекция
«Н. Островскоень эрямондо ды твор-
чествадонзо».

Лекциянь ловносы пединститутонъ
келень ды литературанъ кафедранъ за-
ведующеесь Бихтер ялгась.

Апрелень 26—27 читнестэ ВЛКСМ-нь
Саранской горкомось центральной библи-
отеканъ ловнома залсонть ютавты од
ловнычанъ конференция.

Конференциясонть ули теезь доклад:
«Социалистической строительствась ды
советской литературасо од ломанень
образось» ды содоклад: «Кода робо-
тамс художественной произведения
лангс».

ВЛКСМ-нь Горкомось.

Ответ. редакторось А. ЩЕГЛОВ.